



**FODHLÍTHE CHOMHAIRLE CATHRACH BHAILE ÁTHA CLIATH UM RIALÚ PÁIRCEÁLA 2007  
– COINNÍOLLACHA**

1. Is féidir le Comhairle na Cathrach uaslíon de 2 chead páirceála cónaitheora sa bhliain a eisiúint do 2 fhostaí in institiúid cónaithe, faoi réir na gcoinníollacha seo:
2. Ciallaíonn Institiúid Cónaitheora, ionad fostaíochta mar theach altranais, iostas, óstán, chlochar, ambasáid nó institiúid eile den sórt céanna.
3. Ciallaíonn fostaí incháilithe, duine a bhfuil iallach air/uirthe mar chuid dá f(h)ostaíocht fanacht thar oíche in institiúid cónaithe ar feadh breis agus 183 oíche sa bhliain, de réir dheimhniú an fhostaitheora.
4. Chun a bheith incháilitheis gá nach mbeadh aon pháirceáil seachbhóthair ar fáil ag an institiúid cónaithe, de réir dheimhniú an fhostaitheora.
5. Is gá cóip de Dheimhniú Árachais reatha an fhostaí, lena (h)ainm, a s(h)eoladh agus uimhir clárúcháin na feithicle a chur ar fáil leis an iarratas seo. Caithfidh seoladh na hinstitiúide cónaithe a bheith ar an Deimhniú Árachais. (Ní ghlacfar le litir ón gComhlacht Árachais nó ó Bróicéir Árachais in áit Dheimhnithe Árachais.)
6. Is gá cóip de cheadúnas tiomána reatha an fhostaí a chur ar fáil leis an iarratas seo.
7. Ciallaíonn feithicil cháilithe, (a) feithicil paisinéara le cóiríocht paisinéara do dháréag ar a mhéid lasmuigh den tiománaí agus gan leantóir nó feithicil eile a bheith á tarraingt aici, agus (b) feithicil earraí nach dtéann a méachan gan lasta thar 3 thonna agus gan leantóir nó feithicil eile a bheith á tarraingt aici.
8. 2 chead páirceála cónaitheora is ea an t-uasmhéid atá ineisithe ag am amháin d'aon institiúid cónaithe ar leith atá incháilithe.
9. An cead cónaitheora a eisítear d'fhostaí in institiúid cónaithe, bronnar é ar feadh uastréimhse bliana amháin agus is féidir é a athnuachan go bliantúil.
10. Níl cead cónaitheora bailí ach don fheithicil agus do na sráideanna ceada páirceála a luaitear ar an gcead. Má athraíonn an fostaí a f(h)eithicil, is gá cur isteach ar cead páirceála cónaitheora nua agus an cead páirceála láithreach a chur ar ais chun na hoifige seo.
11. Má fhágann an fostaí a p(h)ost san institiúid cónaithe níl an cead cónaitheora bailí a thuilleadh agus is gá don fhostóir an cead a chur ar ais chun na hoifige seo láithreach.
12. Is gnách fógraí athnuachana a eisiúint do gach sealbhóir ceada. Is ar fhostóir na hinstitiúide cónaithe amháin, áfach, atá an fhreagracht maidir le cead cónaitheoirí a athnuachan faoin gcatagóir seo.
13. Má chinneann an Chomhairle Cathrach go bhfuarthas aon chead páirceála cónaitheora trí fhaisnéis nó doiciméadú míchruinn a sholáthar, cealóidh agus aistarraingeoidh sí an cead sin nó diúltóidh sí é a athnuachan.
14. Ní thugann seilbh ceada páirceála cónaitheora ráthaíocht don sealbhóir go mbeidh spás páirceála aige/aici i gcónaí ar bhóthar/ bhóithre an cheada páirceála.